

سنه ۵۸ پولوس رسولك رومالوره رساله سنك درذنبی بابی

اولان كاهلره مهلت ویردكدنصكره عدالة اللهك بیانی ایچون
 ۲۶ ✽ بوزمان دخی كندی عدالتنی بیان ایدرك عادل اولوب عیسی به
 ۲۷ ایمان ایدنی تبریر ایدر ✽ ایمدی افتخار نرده در . ابطال اولندی .
 قنغی شریعت ايله عملرك (شریعتی) واسطه سیله می . خیر انجیق
 ۲۸ ایمان شریعتی واسطه سیله (ابطال اولندی) ✽ ایمدی انسانك
 اعمال شریعتدن اولیه رق ایمان ايله تبریر اولندیغنی حکم ایدرز
 ۲۹ ✽ الله یالکزیهودیلرك (اللهی) می و طائفه لك دخی دکلیدر . بلی هم
 ۳۰ طائفه لك (اللهی) در ✽ زیرا الله بر اولوب ختانی ایماندن عدم ختانی
 ۳۱ دخی ایمانك واسطه سیله تبریر ایدر ✽ ایمدی ایمانك واسطه سیله
 شریعتی ابطال می ایدرز . حاشا بلکه شریعتی تثبیت ایدرز .

درذنبی باب

۱ ایمدی جدمز ابراهیمك جسد حسبنجه نیه نائل اولدیغنی دیه لم
 ۲ ✽ زیرا اگر ابراهیم عملردن تبریر اولندی ایسه افتخاری واردر اما عند
 ۳ الله دکلدر ✽ زیرا کاب نه بیورر . ابراهیم الله ایمان ایتدی بو دخی
 ۴ اکا صلاح یرینه صایلدی ✽ اما ایشلیانه اجرت عنایتدن صایلبوب
 ۵ بورجدن صایلور ✽ لکن ایشلیوب انجیق فاسق تبریر ایدنه ایمان
 ۶ کتوراك ایمانی اکا صلاح یرینه صایلور ✽ نكتم داود دخی اللهك
 بلا عمل صالح صایدیغی ادمك مبارک ککنه دائر (سویلبوب)
 ۷ ✽ عصیانلری عفو اولوب كاهلری ستر اولنلر مبارك درلر ✽ ربدن
 ۹ كاهی صایلمیان ادم مبارکدر (دیدى) ✽ ایمدی بو مبارکك (یالکزی)
 ختاك حقنده می یوخسه دخی عدم ختاك حقنده می (مسطوردر) .

(۲۸) اعم' ۱۳ ۲۸ و ۳۹ غطه ۲ ۱۶ .

باب ۴ . (۳) قكو' ۱۵ غطه ۲۳ یع' ۲۳ ۲ . (۱) ب ۱۱ ۰ (۶) مز' ۱۳۲ و ۰ .